

孝

經

內

外

傳

孝經外傳卷之三目錄

唐

高祖

李臯

尹嗣宗 忸

許坦

呂向

段秀實

丁公著

費剋劉

路隋

張徹

程表師

楊牢

牛徽

狄仁傑

安金藏

李日知

沈季詮

徐元慶

朱仁軌

柳公綽

賈直言

元讓

劉敦儒

劉伯會

王希夷

宋思禮

陳饒奴

賈循

獨孤及

張九齡

沈景筠

褚無量

元德秀

潘晃

許法慎

韓思復

楊炎

孫旣

茹榮

沈如琢

張無擇

董邵南

梁文貞

崔沔

李興

張常洵

任敬臣

張士巖

雋懷肅

張志寬

武弘度

王博武

林攢

張直

劉師真

徐仲源

梁悅

後五代

林安

李瓊

秦族

王殷

王仁鎬

盧掾

張藏英

易延慶

顏衍

郭琮

宋

神宗

孝宗

劉子輦

查道

章瑤

二吳

成象

黃覺經

趙抃

李諮

蘇頌

陳思道

李玘

丁天錫

祁晞

趙君錫

范仲淹

楊存中

馮元

寇準

孫明復

黃庭堅

梁紹

歐陽觀修

沈起

羅孟郊

曹雉

蔣舉

徐偉

祝確

陳繹

徐積

朱壽昌

侯義

詹惠明

郭用孚

穆修

王庠

許俞

司馬光

康

杜諲

劉民先

孔叢

汪與成

鍾仙

顧忻

黃用中

夏俅

張汝明

史聲

吳淵

仰忻

歐陽守道

黃琮

李穆

張觀

彭乘

陳天隱

董少舒

金景文

任盡言

朱熹

岳飛

趙文澤

黃概

葛書思

黃駟

錢堯卿

劉潛

毛洵

郭義

古諫

王珠

林頤壽

錢浚

張根

蕭振

趙葵

葉惟周

林豸

楊富老

吳復古

李植

高登

趙伯深

楊芾

申世寧

陳少卿

苟與齡

徐中行

張愈

林正華

蔡定

杜國寶

朱道成

呂鎧

張輝

趙善應

劉泌

丘敬

陳燾

錢益

呂蒙琰

呂宣問

陽大明

錢褒

陳乞兒

孝經外傳卷之三目錄終

孝經外傳卷之三

楚黃李之素定庵編輯

唐

高祖

高祖初塋元貞太后時遇祁寒跣行二十餘里足皆流血毀頓之極言及二親未嘗不流涕有得時物及諸方異膳必先薦享而已方食

李臯

臯字子蘭嗣曹王爵詔授衡州刺史有治行觀察使辛

京杲嫉之陷以法貶潮州刺史楊炎入相復擢爲衡州
始臯之遺誣在治念太妃老將驚而戚出則囚服就辨
入則擁笏垂魚卽貶於潮以遷入賀及是然後跪謝告
實

尹嗣宗 怵

嗣宗襄陽人居喪循禮貞觀中特蒙旌辟結廬墳側若
將終身焉子怵年十三竭力備養父疾篤歷年不解衣
形貌頓瘠父卒朝夕號慟幾至殞絕有紫芝產於墓門
刺史封道洪改其居爲南咳里張柬之爲記

許坦

坦豫州人年十歲隨父入山採藥父爲獸所噬卽號時以杖擊之獸遂奔走父公得全太宗聞之謂侍臣曰坦雖幼童遂能致命救親至孝自衷深可嘉賞授文林郎賜物五十段

呂向

向字子回涇州人父岌客遠方不還少喪母失墓所在巫者求得之後有傳父猶存者訪索累年不獲他日自朝還道見一老人心動下輿問之果父也抱父足號慟

行人爲流涕上聞咨嘆官歲朝散大夫賜錦綵給內教坊樂工娛其心

段秀實

秀實字成功汧陽人六歲母疾不勺飲秀實亦不食至七日病間乃肯食時號孝童

丁公著

公著字平子蘇州人三歲喪母甫七歲見鄰媼抱子哀感不肯食稍長父勉勅就學授集賢校書郎不滿秩輒去侍養於家父喪負土作塚貌力癯憊見者憂其死孝

費冠卿

冠卿青陽人既登第聞母病革馳歸而母已塋遂廬墓以終喪嘆曰干祿養親耳得祿而親喪何以祿爲再詔不起杜荀鶴贈詩云凡弔先生者多傷荆棘間不知三尺墓高却九華山

路隋

隋父泌從渾瑊會盟平涼被執死焉時隋方嬰孺以恩授官逮長日夜號泣坐必西向不食肉母告以貌類父者遂終身不引鏡元和中吐蕃款塞隋上五疏請修好

冀得父還詔可遣禮部郎中徐復報聘而父喪至帝愍
惻贈絳州刺史官爲治喪

張徹

南陽韓思彥過汴州有孝子張徹者廬墓三十年詔表
其間請思彥爲頒餽縑二百不受固請爲受一縑思彥
屬家人曰此孝子縑不可輕用

程表師

表師宋州人母病十旬不禡帶藥不嘗弗進代弟戍洛
州母終聞訃日走二百里因負土壘墳形容癯毀改葬

曾祖以來閱二十年乃畢每哭羣鳥鳴翔

楊牢

牢父茂卿從田氏府趙軍反殺田氏茂卿死牢自洛陽
走常山二千里號伏叛壘禿髮羸骸有可憐狀讐意感
解以尸還之單縗冬月往來太行山間凍膚皸瘃銜哀
雨血墮人爲之泣

牛徽

徽鵜觚人父蔚避地於梁道病徽與子扶籃輿行路逢
盜擊其首血流面持輿不息盜迫之徽拜曰人皆有父

今親老而疾幸無驚駭盜感乃止及前途又逢盜盜輒相語曰此孝子也共舉輿舍之家進息囊創以饘飲奉蔚畱信宿去抵梁徽趨蜀謁行在丐歸侍親疾會拜諫議大夫固辭見宰相杜讓能曰上還幸當從親有疾當侍而徽兄在朝廷身乞還營醫藥時兄循已位給事中許之

狄仁傑

仁傑字懷英太原人舉明經授并州法曹叅軍親在河陽仁傑登太行山返顧見白雲孤飛謂左右曰吾親舍

其下瞻望久之雲移乃去時武后黜中宗居房州仁傑
每以母子天性之言力諫后因感悟同府叅軍鄭崇質
母老病篤當使絕域仁傑詣長史蘭仁基請代曰不忍
貽其親以萬里之憂仁基嘆曰狄公之賢北斗以南一
人而已

安金藏

金藏母喪塋南關口營石墳晝夜不息地本邛燥泉忽
潰湧流廬之側桃李冬華犬鹿相馴武后時或誣睿宗
反者金藏大呼曰請剖心以明皇嗣不反引刃割腹腸

出而仆武后自臨視之嘆曰我有子不能自明忍令爾
至此因賜良藥得不死

李日知

日知滎陽人爲給事中母老病調侍數日鬚髮輒白母
未及封而卒方塋吏乃齎贈制至日知殞絕於道左右
爲泣莫能視巡察使欲表其孝求狀辭不報

沈季詮

季詮少孤事母孝未嘗與人爭皆以爲怯季詮曰吾情
乎爲人子者可遺憂於親乎哉貞觀中侍母渡江遇暴

風母溺死季詮號呼投江中少頃持母臂浮出水上都督謝叔方具禮祭而塋之

徐元慶

元慶下邳人天后時父爲縣尉趙師韞所殺元慶變姓名於驛家傭力久之師韞舍亭下乃手刃之自囚詣官議者欲捨其罪左捨遺陳子昂建議誅之而旌其閭

朱仁軌

仁軌字德容永城人隱居養親誨子弟曰終身遜路不枉百步終身遜畔不失一段謚孝友先生

柳公綽

公綽字孝寬華原人居喪毀慕三年不澡沐事後母薛甚謹雖姻屬不知非薛所生

賈直言

直言河朔人父道冲坐事賜鴆將死直言給其父曰當謝四方神祇使者少怠輒取鴆代飲迷而踣明日毒潰足而出久乃蘇上憐之減父死俱流嶺南直言由是蹙

元讓

讓擢明經以母病不肯調侍膳不出閭數十年母終廬

墓次廢櫛沐飯菜飲水咸亨中太子監國下令表闕於門永淳初擢太子右內率府長史歲滿還鄉里中宗在東宮召拜司議郎入謁武后望謂曰卿尋於家必能忠於國宜以治道輔吾子

劉敦儒

敦儒家東都母病狂非笞掠人不能安左右皆去敦儒侍疾體常流血母乃能下食敦儒怡然不爲痛隱詔標闕於閭時謂劉尋子

許伯會

伯會舉孝廉上元中爲衡陽博士母喪培土成塋不御
絮帛不嘗滋味野火將逮塋樹悲號於天俄而雨火滅
歲旱泉湧廬前靈芝生

王希夷

希夷家貧父母喪毀瘠幾死爲人牧羊取傭以塋

宋思禮

思禮字過庭補蕭縣主簿會大旱井池涸繼母羸疾非
泉水不適口思禮憂懼且禱忽有泉出諸庭味甘寒日
不乏汲母疾亦旋愈柳冕爲刻石頌之

陳饒奴

饒奴十二歲親併亡寡弱居喪又歲饑或勸其分弟妹可全性命饒奴流涕身丐訴相全養刺史李復給資儲署其門口孝友童子

賈循

循京兆華原人親亡負土成塚手蒔松柏廬墓終身時號關中曾子里人私謚曰廣孝徵君

獨孤及

及字至之洛陽人性至孝兒時讀孝經父試之曰兒志

何語對曰立身行道揚名於後世天寶末及第補華陰尉代宗召爲左拾遺

張九齡

九齡字子壽韶州曲江人居父喪哀毀庭中木連理舉進士中書侍郎以母喪解毀不勝哀有紫芝產廬側白鳩巢於塚樹

沈景筠

景筠烏城人母素懼雷及卒塋城西每雷鳴則奔至墓所號哭曰某在此賀知章爲撰孝德傳

褚無量

無量字弘度鹽官人母喪廬墓有鹿犯其所植松栢無
量號訴曰山林不乏忍犯吾塋樹耶自是羣鹿馴服不
復振觸

元德秀

德秀河南人少孤開元間舉進士不忍去親左右自負
母入京既擢第母亡廬墓蔬食刺血寫經後任魯山令
天下高其行稱曰元魯山房琯嘆曰見紫芝眉宇使人
名利之心都盡紫芝其字也及卒家惟杖履簞瓢而已

學者謚曰文行先生

潘晃

晃廣德人事親至孝嘗以役事至京一夕夢祠山神告曰汝父病篤晃驚惶不已日夜奔走以歸中途復夢神曰汝父疾愈歸問故果如夢中言後居喪廬墓芝艸累生玄宗詔表其門授廣德令

許法慎

法慎滄州青池人甫三歲母病不飲乳慘慘有憂色或以珍餌詭悅之輒不食還以進母後親喪廬於塋有甘

露嘉禾之瑞

韓思復

思復長安人兒時母爲語父凶狀輒嗚咽幾絕遂奮志
力學舉茂才高第累遷襄州刺史襲祖封長山縣男親
喪去官鬻薪自給及卒上手題其碑曰有唐忠孝韓長
山之墓

楊炎

炎天興人祖哲以孝行稱父播舉進士拜諫議大夫棄
官歸養炎居父喪號慕不廢聲墓所有紫芝白鵲之異

詔表其閭三世以孝聞門樹六闕

孫旣

旣樂安人母喪廬墓髮墮面垢疔瘡骨立俄有醴泉湧於封樹側里人名之曰孝源泉貞元中碑刻尚存

茹榮

榮簡州人幼失父事母極孝及冠爲吏邑宰賜瓜榮以遺母數刻卽來宰怪而問之榮具道其故宰疑其妄遣詢其母果然遂令歸事母得以終養後土人立祠祀之

沈如琢

如琢崇慶人少有至行母患消渴非時思桑椹求之不獲宅東桑忽生椹採以奉母疾愈

張無擇

無擇字君選句章人父沒絕漿七日三年不櫛廬墓有醴泉芝艸之瑞官至中散大夫

董邵南

邵南安豐人隱居不仕性篤孝韓文公作董生行曰嗟哉董生朝出耕夜歸讀晝日不得息或山而樵或水而漁入厨具甘旨上堂問起居父母不戚戚妻子不咨咨

嗟哉董生孝且慈人不識惟有天翁知生祥下瑞無休
期家有乳狗出求食鷄來哺其兒豚豚庭中拾虫蟻哺
之不食鳴聲悲徬徨躑躅久不去以翼來覆待狗歸嗟
哉董生誰與儔時之人夫妻相虐兄弟爲讐食君之祿
而令父母愁亦獨何心嗟哉董生誰與儔

梁文貞

文貞號州人少從軍守邊逮還親已亾自傷不得養卽
穿墻爲門晨夕灑掃廬墓左暗默三十年家人有所問
書文以對刺史表其純孝詔付史官

崔沔

沔京兆人擢進士高第累遷起居舍人母失明求醫不
愈躬親奉養不脫冠帶者三十年溫清適時每美景良
辰必扶持遊宴笑談說於前母不知其有所苦也子祐
甫爲賢相

李興

興安豐人父死廬上產紫白芝二本醴泉湧出柳宗元
爲作孝門銘云謹按興匹庶賤陋循習浚下性非文學
所導生與耒耨爲業而能踵彼醇孝超出古烈

張常洵

常洵字巨川句容人父爲建州司戶卒常洵泣血盡哀廬墓三載墓門生瑞芝十二莖守土者表旌之

任敬臣

敬臣字希古濟南人五歲喪母哀戚有過成人七歲時問其父曰若何可報母父曰揚名顯親可也乃刻志讀書舉孝廉授著作局正字父亡數殞絕繼母曰汝不勝喪可謂孝乎始強食體粥服除遷秘書郎休沐輒聞門讀書後官至弘文館學士

陳太竭

太竭浦江人二親並亡卽墓手藝松栢終身衰麻哀哭弗輟每奠果餽烏鳥不啄

張士巖

士巖汴州人父病藥須鯉魚冬月冰合有獺啣魚羣前得以供父父遂愈母病癱士巖吮血父亡廬墓有虎狼倂之

雋懷肅

懷肅益州人母病每嘗其唾若異味輒悲號幾絕母終

水漿不入口五日負土成塚廬守日一食繼母沒亦如之

張志寬

志寬安邑人居父喪而毀州里稱之王君廓兵畧地不暴其間倚全者百許姓後爲里正忽詣縣稱母疾求急歸令問狀對曰母有疾志寬輒病是以知之令謂其妄繫於獄馳驗如言乃慰遣之母終負土成墳手蒔松栢上遣使就弔拜員外散騎常侍表其門

武弘度

弘度父卒自徐州被髮徒跣趨喪所培土築塋晨夕號泣日一溢米素芝產於廬前狸擾其旁詔下褒美旌其閭

王博武

博武長社人會昌中侍母至廣州涉沙湧口暴風溺死博武號泣自投於水節度使盧貞俾吏獲二尸殮之刻石表其墓

林攢

攢字會道莆田人爲福唐尉母病攢聞信棄職還及母

亾自挺斃作塚廬其右時有白鳥來甘露降觀察使遣
吏屬驗會露晞里人失色橫曰天所降露禍我耶俄頃
露復集鳥亦回翔詔作二闕於墓道

張直

直濮州人父楚平壽張令調長安值黃巢亂不知所終
直幼避地河朔旣剋以父失所在不遑寢處時盜賊蜂
起道路梗塞自秦抵蜀徒行丐食以覓父積十年不獲
乃發喪衰服終身

劉師真

師真字文通彭城人早失母及長不記容狀至忌辰終日涕泣未嘗寢食忽夢見其狀謂之曰我汝母也汝孝通神明故我得見夢於汝師真夢中大哭及覺號慟愈甚乃作偶人像以事之朝夕起居反告如常每新物必先薦而後食時人語曰孝通神明漢有丁蘭唐有師真父老年患目凡飲食非師真親調則不能食師真偶疾其父食不安師真歛然曰飲食不精之所致耶驚起而愈

徐仲源

仲源望江人喪親廬墓禽採花而搏墳獸啣土而壘隴
詔改其鄉曰孝感里

梁悅

悅富平人爲父報仇殺人自詣縣請罪勅復仇殺人固
有義典以其申寃請罪視死如歸自詣公門發於天性
志在殉節本無求生寧失不經特從減死決杖配流

後五代

林安

安福清人事親以純謹稱居喪廬墓墓旁有石自裂而

湧泉間王異之顏其廬曰湧泉六世孫正華當宋時亦以孝聞故世稱湧泉大小孝子云

李瓊

瓊字子玉以鬻繒爲業娶妻有子而移居母之室夜嘗十餘起母每諭之曰汝年來筋力頗憊盍求婢以給侍我免汝勞苦瓊曰凡母之所欲不親經手意如有失其母遂不之強以是家人無敢怠惰母喜食時新瓊百方求市得必十倍酬其直張用聞其至孝與之卜鄰而居

秦族

族上郡洛川人。事親竭力。父喪哀毀不支。酸感行路。以母在恒。抑割哀情。以慰母心。四時珍羞。未嘗匱乏。母沒。哭泣無時。惟寢苦食粥而已。終喪之後。不入房室者二十餘年。

王殷

殷大名人。少失怙。事母以孝聞。欲與人遊。必先白母。母所不可者。未嘗敢違。及爲刺史。政事有小過。母責之。殷卽取杖授婢僕。自笞於母前。

王仁鎬

仁鎬周世宗時拜安國軍節度制曰眷惟襄國實鄉故鄉仁鎬省其父祖之墓周視松楸涕泗嗚咽謂所親曰仲由以爲不如負米之樂信矣時人美之

盧操

操字安節河東人九歲通孝經論語隨義解釋居喪哀毀骨立以明經擢第調臨渙縣尉官舍設几筵以事父母出告反面每晨具冠帶讀孝經一遍然後視事讀至喪親章不勝悲咽

張藏英

藏英范陽人後唐末舉族爲賊孫居道所害藏英年十七僅以身免後襲殺之以祭父母時稱爲報仇張孖子

易延慶

延慶字餘慶上高人仕周世宗以大理丞出知臨清縣事父喪摧毀泣血旦出守墓夕歸侍母墓所產紫玉芝十八莖郡守將表其事延慶懇辭母沒復廬墓母平生嗜栗植二栗樹於墓側二樹連理人稱純孝先生

顏術

術顏子後進士官河陽節度副使得家問父在青州

有風痺疾衍不奏棄官去侍疾歲餘父疾不能起衍親
自掬矢未嘗少倦後丁父憂哀毀疾甚俄召爲駕部郎
中鹽鐵判官以母老懇辭開運末召拜御史中丞復抗
表求侍養改戶部侍郎又堅乞罷免詔書褒許卽與其
母東歸

郭琮

琮台州黃巖人少喪父常有罔極之嘆事母張氏極恭
順娶妻有子移居母室每母之所欲必親奉之或經家
人手則憂形於色慮失母之意居常不過中食絕飲酒

茹葷者三十年以祈母壽母年百有四歲耳目不衰無疾而逝

宋

神宗

神宗入事兩宮必侍立終日雖寒暑不變及卽位尊慈聖允獻曹皇后爲太皇太后官曰慶壽承迎娛悅無所不盡從行登翫每先後策掖太后亦慈愛天至或退朝稍晚必自至屏展間親持膳飲食帝元豐二年終疾甚帝視疾寢門衣不解帶旬日及崩帝哀慕毀瘠殆不

卷

喪

孝宗

孝宗諱昀太祖六世孫秀王之子也高宗無子立爲皇太子遂遜位自稱太上皇退居德壽宮帝仁孝根於天性事上皇二十六年孝養備至升遐之日哀慕尤切致喪三年羣臣屢請易服而膚斷不疑乃曰自我作古何害

劉子翬

子翬字彥冲父齡死靖康之難子翬痛憤幾無以爲生

執喪三年致羸疾事母敬兄妻死不再娶服除授通判
興化軍以不堪吏事辭歸武夷山不出者十七年每於
墓下瞻望徘徊涕泗嗚咽累日而還

查道

道字湛然休寧人母疾綿悵道調藥煎劑經旬不寐方
冬苦寒母思鯪魚市之不得乃詣黃河禱而釣焉因獲
魚携歸爲羹饋母疾尋愈聞者爭往釣之終無所獲親
喪口絕甘美雖深冬積雪常有素徒跣杖而後起終制

絕意名宦

章瑤

瑤丹徒人親喪哀慟泣血墓上枯竹復生子孫相繼以經學顯用

二吳

可幾吉安人與弟知幾並有至性好古博學著千姓編時稱二吳親沒兄弟廬墓忽平地泉湧號孝子泉

成象

象渠州流江人訓授里中淳化間李順盜據郡縣象父母驚悸而死象號泣營塋以衰服襟袖飾土三斗於墓

上每慟聞者感愴墓旁一禾九穗遠近目爲成孝子

黃覺經

覺經豐城人五歲遭亂失母稍長禱天求母所在乃跋涉江淮備歷艱苦凡三十八年至汝州梁縣得之

趙抃

抃字閱道衢州西安人母卒廬墓三年處士孫侔爲作孝子傳官叅知政事嘗夢其父曰孝子不匱永錫爾類天必相汝子岷執親喪而甘露降木岷卒子雲又以哀毀死人稱世孝云

李諮

諮字仲詢新喻人父出其母諮日夜號泣飲食不入口
父憐之而還其母舉進士真宗顧左右曰是能安其親
者擢第三人

蘇頌

頌字子容宣州南安人知婺州方泝桐廬江水暴迅舟
幾覆溺頌以母在舟中哀號赴水挽舟舟忽自正甫及
岸奉母先登舟乃覆

陳思道

思道江陰人鬻鹽爲生喪父事母兄以孝弟聞母病衣不解帶者數月雙目瘡爛母喪水漿不入口七日旣葬乃哀鬻鹽之利奉其兄結廬墓側日夜悲慟其妻時携兒女詣之拒不與見

李玘

玘大名宗城人力耕事親親卒讓田於弟廬墓號泣以二代諸父母藁葬未盡禮築之凡三載成六墳皆丈餘不衣帛食肉年六十餘未嘗入縣門詔賜粟帛里中有母在而析產者聞玘被旌慚懼復同居

丁天錫

大錫赤岍人少孤奉母至謹怡悅承志一日寇入其家
拘母索所有母曰讀書家貧無所藏寇欲殺之天錫衛
母身曰無傷我母寧殺我身寇亦感化曰殺孝子不祥
母子俱免

祁晞

晞字坦之膠水人舉進士天禧中出知濰州母喪解官
就墳側構小室號泣守護蔬食水飲身經六冬足墮二
指有白兔馴繞之異

趙君錫

君錫字仁孫洛陽人母亾事父良規不違左右夜則寢於傍凡衾裯厚薄衣服寒溫藥石精粗飲食甘否櫛髮剪爪整冠結帶爲內則所載者無不親之登進士第以親故不願仕良規每出必扶掖上下雜立僕御中常從謁文彥博異其容止問而知之歸語諸子令視以爲法

范仲淹

仲淹字希文吳縣人二歲而孤母更適長山朱氏從其姓名說旣長知其世家乃感泣去之應天府依戚同文

學晝夜不息冬月憊甚以水沃面以廢啣端
舉進士爲廣德軍司理叅軍嘗告諸子曰吾貧時與汝
母養吾親汝母躬執爨而吾親甘旨未嘗充也今得厚
祿欲以養親親不在矣仲淹性純羞以母在時方貧其
後雖貴非賓客不重肉於是恩例俸賜均與族人並置
義田宅

楊存中

存中字正甫祖父及母皆死難存中旣顯請於朝賜謚
立廟又以家廟祭器爲請遂許祭五世祖母劉流落蜀

隴因日夜禱祀訪問間關千里卒迎以歸

馮元

元字道宗南海人執親喪自括髮至祥練皆按禮變服不爲世俗參薦遇祭日與門生對坐誦孝經而已

寇準

準字平仲下邳人少時不修小節愛鷹太夫人性嚴舉秤槌投之中足流血由是折節從學母亾每捫其舊痕輒流涕及爲使相賞賜金帛還第見乳母泣詢之對曰公之幼也不幸夭夭人死求一縑作衾襚不可得豈知

今日富貴哉公聞言慟哭終身不蓄財產

孫明復

范仲淹在睢陽掌教有孫秀才者索游上謁贈錢一千
明年復謁又贈如前因問何爲汲汲道路曰母老無以
養亦百里負米意耳若日得百錢則甘旨可足仲淹曰
吾今補子爲學職月得錢三千以供養不亦可乎於是
授以春秋明年俱解去後十年間泰山有孫明復先生
以春秋教授道惠高邁朝廷召至太學卽昔日索游孫
秀才也仲淹嘆曰貧累大矣倘因循索米至老雖人才

如明復者將猶汨沒而不見也

黃庭堅

庭堅字魯直分寧人元祐中爲太史事親先意承志無
幾微憾身雖貴顯每夕必爲親滌溺器母病經年視藥
省膳不解衣帶及亾廬墓下哀毀得疾幾殆

梁紹

紹壽州人廣東提幹母病掛冠歸母沒廬墓手植松栢
號碧林亭甘露降芝艸生東坡在海外聞其孝節往見
之易其亭曰甘露松曰瑞芝

歐陽觀 修

觀字仲賓廬陵人少孤力學舉進士第歲時祭祀必涕泣曰祭而豐不如養之薄也子修字永叔四歲亦孤母鄭太夫人教育之舉進士爲南京畱守太夫人疾終宦舍歸塋值陰雨彌月修懼愆期乃禱於沙山之神翌日天忽開霽始克舉事後撰龍岡阡表勒諸石遣吏齋之並檄郡守董其事渡江風濤大作有龍蜿蜒夾舟幾覆篙師呼曰客有懷寶者乎請投之以禳此厄客曰無之惟碑在焉因其擠之江龍乃冉冉去吏持檄以告郡守

守令吏登墓則碑已植於墓側矣守墓者曰昨之夜震雷發土碑於是出焉見表文獨以硃圈祭而豐不如養之薄砂迹炳然

沈起

起字興宗鄞人因父疾棄官歸坐劾仁宗謂輔臣曰觀過知仁今以赴父疾而致罪何以厚風俗而勸爲人子者乃特遷之

羅孟郊

孟郊興寧人兒時喪父奉母怡悅承志牧牛長坡莊坐

讀書有山人過而奇之與語告以父喪貧未葬山人指
示地遂從葬焉天聖中舉進士第三人官翰林學士乞
歸養茆葺蕭然隆冬母思鱠郊鑿池冰池魚躍出鄉人
曰其池爲曾子湖卒衆立祠祀之

曹雉

雉休寧人登景祐進士以純孝稱父汝弼贈殿中丞燎
黃之夕芝生先塋郡上其事詔以所居爲孝芝里

蔣舉

舉字時舉清湘人遊太學一日告其友黃無悔曰學者

所以學爲忠與孝也忠既未立孝先可念我其歸矣無
悔感其言歌以送之曰秋風起兮白雲飛南國遠兮心
欲歸歸心切兮親庭闕復相見兮在何時

徐偉

偉臨湘人母沒毀瘠嘔血數升舉孝廉不就去之陸渾
山中教授生徒依之以居者三百餘家歲荒貧不舉子
者偉資給之人感其義所舉子皆以徐爲名偉八子皆
知名時號徐氏八龍

祝確

確字永叔歙縣人少時父母將爲議婚逃避累日家人問其故曰審爾恐疎父母膝下也親喪日上食如禮夜不離柩寢一兄一弟先後死熙河不憚萬里徒步以歸其喪

陳繹

繹奉親竭誠凡親之所欲無遠邇必致之作慶老堂以娛其親王介甫贈詩云種竹嘗疑出冬笋開池固食甥寒泉

徐積

積字仲車山陽人三歲喪父旦旦求之甚哀事母晨夕必衣冠定省母使讀孝經輒淚落不能止應舉入都不忍捨其親徒載而西比登第同年共致百金爲壽却之廷臣薦其孝廉神宗詔賜粟帛爲楚州教授以父名石終身不用石器行遇石則避而不踐或問之積曰吾遇之則怵然傷吾心思吾親故不忍加足其上耳母亾臥苦枕塊衰經不去體雪夜伏墓側哭慟不絕聲學士呂溱過其廬適聞之爲泣下曰使鬼神有知亦垂涕也卒謚節孝先生

朱壽昌

壽昌字康叔揚州人七歲時父守雍生母劉氏爲嫡母所妬出嫁民間及長行四方求之不得旣仕飲食罕御酒肉言輒流涕母子不相見者五十年熙寧初棄官入秦與家人訣誓不見母不復還行次同州得焉劉時年七十餘矣事聞於朝詔還就官數歲母卒涕泣幾喪明

侯義

義應天府楚丘人家貧無產傭田以事母里人有塋其親而遽返者義母過其塚泣謂義曰我死其若是乎義

乃感激自誓而不欲言但慰其母曰勿悲義必不爾母
卒力自辦塋畫則負土築墳夜則泣臥柩側妻子困匱
不給田主資以餼糧

詹惠明

惠明婺源人熙寧間父坐事當死惠明詣郡門曰身願
代罪以報罔極恩家有二弟足以養母以大艾灼頂明
日趨庭斷右耳血出淋漓郡守憐之以狀聞詔減其父
罪

郭用孚

用孚字仲先建安熙寧間遷閩縣令嘗遊蘇軾之門聲譽藉甚親喪哀毀篤至旣塋廬墓三年郡守欲以八行薦力辭

穆修

修字伯長汝陽人舉進士母亾自負輓以塋日誦孝經喪祀不用浮屠爲佛事

王庠

庠榮州人父夢易攝興州爲部刺史所中鐫三秩罷歸卒母向氏欽聖憲肅后之姑也庠居父喪哀憤深切謂

弟序曰父以直道見擠母撫棺誓言期我兄弟成立贈復父官乃許歸塋相與勉之思制科先君之遺意也吾有志焉遂閉戶窮經史百家傳註之學未幾當紹聖諸臣用事罷制科庠嘆曰命也無愧先訓以之行已足矣崇寧中應能書爲首選上書論時政下第徑歸奉親養志不應舉者八年大觀中州復以庠應詔庠曰昔以母年五十二求侍養不復願仕今母年六十乃奉詔豈本心乎後以弟序升朝贈父官始克塋塋而母卒終喪復舉八行太學考定爲天下第一詔表其門

許俞

俞宣城人少失母事父供給甘旨必盡珍異當隨計偕安輿扶侍稅舍輦轂與妻子共食粗糲父年垂八十謂俞曰覩汝登科之後沒於地足矣祥符中果登第授涔陽從事扶侍歸海臨別業卽路有日父疾沉篤俞晝夜不怠以至澣濯必親或問故俞曰澣濯於家人之手慮其厭怠也父喪摧毀幾至滅性或歷父經由之地涕泣累日嘗過琅山別院馬上忽泣下僕御問其由曰我父曾寄此也

司馬光 康

光字君實夏縣人初登第除奉禮郎時父池在杭求食
蘇州判官以便親許之丁內外艱執喪累年毀瘠如禮
每往夏縣展墓必過其兄旦旦年將八十奉之如嚴父
保之如嬰兒自少至老語未嘗妄子康字公休丁母憂
勺水不入口者三日光薨治喪皆用禮經家法不爲世
俗事蔬食寢於地遂得腹疾服除爲著作佐郎兼侍講
竟以腹疾終

杜諡

誼字漢臣黃巖人父剛嚴誼獨失愛惴惴不自容伺顏色而後進繼喪父母號慟晝夜不絕勺水不入口者累日卜塋徒跣負土爲墳往來十餘里自渡塘澗泥水沒胫雖大雨雪未嘗少止手足皸裂血流以漆塗之每覆一畚必三繞墳號而後去旣塋遂菱舍墓旁人往視之輒遣去日一飯不葷雖虎狼交雜泰然無所畏

劉民先

民先字聖任五季之亂避地入閩遂居崇安熙寧初累與計偕至禮部輒不合慨然曰吾親老矣不可闕甘旨

於是屏居潭溪作一枝堂朝夕奉養惟謹後以特奏釋
褐乃謂人曰吾豈貪一命者哉顧因是可榮親耳母年
九十果榮封崇安縣太君

孔叢

叢字寧極隱居汝州事親盡禮廬墓三年臥破棺中日
食米一溢壁間生紫芝數十本

汪與成

與成銅陵人一家百八十口盡死於建炎之難獨遺與
成後三年改葬其父念母骸骨不存刻像侍養十年而

後附塋哀動鄰里邑令林楠以詩贈之有事死如生子
道難古來不獨數丁蘭之句

鍾仙

仙字少游龍南人元豐舉進士通判宜州喪親盡哀有
羣鳥數百日集其廬因名感鳥堂

顧忻

忻泰州人十歲喪父以母病茹素祈禱每鷄初鳴具冠
帶率妻子詣母室問其所欲如此者數十年未嘗離左
右母老目不能視物忻日夜號泣於天母目復明年九

十餘無疾而終

黃用中

用中之父死於兵母亦被掠時用中年幼逃遁及壯求母四方逾十年得於京師州里咸稱爲黃孝子

夏休

休字載道休寧人早孤奉母曹氏孝養備至旣塋廬墓墓生瑞竹其節自十以下駢而爲一以上岐而爲二又生芍藥並蒂者二鄉人號其堂曰雙應凌待制唐佐爲記其事

張汝明

汝明字祖舜廬陵人元祐間舉進士徽宗召拜監察御史即日劾蔡京等執母喪水漿不入口三日病羸行輒踣夢父授以服天南星法用之驗

史聲

聲沿海人幼失母家貧侍父日以採樵給養自食粗糲恒不飽登元祐進士迎父就養至中途病卒聞訃不顧家屬罄身四日夜奔赴喪所哀慟幾絕扶柩還家寢苫枕塊包土培塋三年未嘗與人談笑

吳淵

淵字道甫宣州人五歲喪母哭踊哀慕如成人後官浙東提舉丁父憂詔起復力辭詒書改葬曰入道莫大於事親事親莫大於送死苟冒哀求榮則平生大節已掃地矣他日何以事君時丞相史嵩之方起復或曰得毋礙時宰乎淵弗顧詔從之

仰忻

忻字天貺温州人力學篤行年五十餘執母喪躬自負土廬墓側有慈烏白竹之瑞

歐陽守道

守道字公權吉州人少孤貧力學里人聘爲子弟師主人
人矚其姿食舍肉密歸遺母爲別設一器馳送乃肯食
鄰媼兒無不感動嘆息後擢進士第遷秘書郎

黃琮

琮字子方莆田人元符登第爲長溪尉遭父艱邑令以
千緡爲賻辭徒步扶櫬歸遷閩縣旋以母老丐歸及母
喪甘露降於總帷三日郡縣廉訪琮曰豈敢以冥冥要
人欺君耶

李穆

穆字孟雍陽武人母常臥疾每動止轉側皆親自扶掖
乃稱母意後穆坐秦王事屬吏其子惟簡給祖母以穆
奉詔鞠獄臺中及責授爲省郎還家亦不以白母每隔
日陽爲入直郎訪親友或遊僧寺免歸暨於牽復母終
弗之知及居喪思慕幾至滅性

張觀

觀毘陵人拜左丞丁父憂哀毀過人旣練而卒初爲秘
書郎其父居業方爲州從事因上書願以官授父真宗

嘉之以居業爲京官及觀貴居業由恩至太府卿當
洛嘉其山川風物曰吾得老於此足矣觀於是買田宅
營林榭以適其意早起奉藥膳然後出視事未嘗一日
廢也

彭彥

彥字利建義陽人舉進士嘗與同年登相國寺閣皆瞻
顧鄉關有從宦之樂彥獨西坐悵然曰親老矣安敢舍
晨昏之奉而圖一身之榮乎冀日奏乞侍養

陳天隱

天隱字君舉蘭谿人早孤竭力事母母卒將葬時六月
如焚乃先期祝天陰庇人皆晒之已而果應旣定雲霧
始散人皆異之

董少舒

少舒字師仲蘭谿人父以負土築塋廬於墓有靈芝生
紫葢之祥郡守薦於朝

金景文

景文字唐佐蘭谿人親沒廬墓夜有五色光曜射於墓
上人皆見之咸淳間縣令沈應龍以景文天隱少舒名

求聞請立碑建祠名三賢堂

任盡言

盡言字元受幼孤母老多疾病未嘗離左右盡言自言
老母有疾其得疾之由或以飲食或以燥濕或語話稍
多或憂喜稍過皆朝暮候之無毫髮不盡臟腑間事皆
洞見曲折不待切脉而後知也張魏公作都督屢辟之
力辭曰某方養親若得一神丹可以延年必以遺老母
不以獻公也况能捨母而與公軍事耶魏公太息而止

朱熹

蕭字元暉婺源人就傳時授以孝經一閱題上曰不若是非人也紹興中舉進士隆興五年丁內艱六年工部侍郎胡鍾以詩人薦以未終喪辭七年既免喪復召以祿不及養辭

岳飛

飛字鵬舉湯陰人母姚氏飛從戎留妻侍養高宗渡河河北淪陷訪飛數年不獲俄有自母所來者寄聲云爲語五郡勉事聖天子無以老嫗爲念也飛遣人迎之往返十有八次然後歸奉之母有痼疾藥餌必親調後宜

撫襄陽母卒與子雲跣足扶櫬歸不避途潦蒸暑將佐
願代役謝却之路人無不流淚旣塋廬墓上遣使撫問
降制起復飛連表哀訴乞終喪云以孝移忠事有本末
若內不能盡事親之道外豈復有愛主之忠上悉封還
其章親札慰諭不起勅監司守臣請之又不起責其官
屬以死請之乃勉起復屯襄漢三年不解衰經

趙文澤

文澤麗水人六歲廬父墓有田鼠啣花白鶴營巢之異
大觀初詔賜粟帛

黃槩

槩字平叔龍溪人父疾傾貲求醫或言不爲子孫計槩
曰苟疾得愈雖子孫飢餓何憾父年九十六母年九十
九臨卒曰爲人子若爾當有以報後槩妻將彌月夢其
舅姑曰某月某日降生果生子彥臣官朝散大夫封槩
承議郎賜緋子孫科第不絕

葛書思

書思字進叔第進士調建德主簿時父已老迎養不就
書思曰曾子不忍一日去親側豈以五斗移素志哉遂

乞歸養十年餘居喪哀毀骨立盛暑不釋苴蔴終禪不忍去塚舍卒謚曰清孝

黃駟

駟字公碩南康人居父喪芝產於堂前其葉累百政和中登第調崇安尉

錢堯卿

堯卿樂清人年十二喪父憂戚如成人見母則抑情忍哀不欲傷其意母謂族人曰是兒愛我如此多知孝養矣卒能如母之言及母喪倚廬三年席薪枕塊雖疾病

不飲酒食肉既塋慈烏百數啣土集隴上

劉潛

潛定陶人嘗知蓬萊縣代還過鄆州聞母疾亟歸母死潛一慟遂終其妻復撫潛大號而死時人傷之曰子死於孝妻死於義

毛洵

洵吉州人舉進士凡守四官以親老解任執藥調膳嘗而後進不之寢室父母相繼而卒持鍤荷土以爲墳手胼面黔親友不能識廬於墓朝夕哭踊凡二十一月諸

生請問經義對之流涕未嘗言文抱疾歸數日卒

郭義

義興化軍人客錢唐聞母喪徒跣歸每一慟輒嘔血
家貧人有所饋不受聚土爲墳手蔕松柏而廬於墓旁

古諫

諫曲江人母病願瘡不能言乃夜虔禱北斗母忽大呼
曰夢一道士執水盂以柳枝灑明日願消疾愈後爲本
州安撫人稱爲古神孖

王珠

珠字仲淵吉州龍泉人素以純孝稱罹親喪芝數本產墓側倒植竹以爲棧復生枝葉

林願壽

願壽字褒世晉江人母楊氏嘗苦背瘍潰爛徑數寸願壽曰敗膿在中寢蝕旁肉若拭則不堪痛楚乃俟其熟睡潛舐敷藥而愈

錢湑

湑字伸伯海陵人家貧而事親甘旨獨豐親疾藥必嘗而進居喪哀毀骨立悲動隣里

張根

根字知常父病蠱戒鹽根爲淡食母嗜河豚及蟹母終根不復食母方病每至鷄鳴則少蘇後不忍聞鷄聲

蕭振

振字德起平陽人調婺州兵曹任滿歸告其親曰家世業農有田可以奉甘旨振不願仕後拜監察御史以親老乞補外上不許面奏曰臣事親之日短事陛下之日長指心自誓今日之事父母乃他日之事陛下也

趙葵

葵字南中衡山人知滁州母卒求解官不許及塋乞追服終制又不允葵上疏曰臣時於州土被命起家勉從權制先國家之急而後親喪也今釋位去官已追服居廬乞從葵制亦不許再上疏曰臣昔者奉詔討逆適丁家難然哀疚之中命以馳驅之事移孝爲忠所不敢辭是臣嘗先國家之急而效臣子之義親恩未報寢踰一紀食稻衣錦俯仰增愧且臣業已追衰麻之制伸苦塊之哀負土成墳倚廬待盡喪事有進而無退固不應數月而除也及命提舉洞霄宮不拜

葉惟周

惟周松溪人少孤事母竭力母多病又自外家遭疫還其家死者六七八人惟周在側頃刻不離疫不能染母病旋愈及母終哀毀骨立喪塋一循家禮鄉人稱之

林象

象字商卿幼孤隨母鞠於外祖家以故得盡讀六經百氏之書紹興初嘗爲僉樞徐俯禮致而終不肯受其薦奉母歸閩菽水盡歡母沒衣衾棺槨宅兆必盡其誠終喪寓跡法華庵傍所居軒曰聽雨小園曰意足徜徉於

其間孝宗屢召以疾辭不就卒年七十自號萍齋

楊富老

富老麗水人七歲喪父廬墓三年不返感木生連理鳥鵲來巢之異紹興中詔賜粟帛錄付國史

吳復古

復古字子野揭野人居父母憂廬墓後去其妻子築庵麻由山中絕粒不食間遊四方然一無所求待制李師中於世少所屈獨見復古稱曰白雲在天引領何及東坡穎濱暨一時名士皆傾下之

李植

植泗州人靖康初補廸功郎湖南向子堙使督犒師銀兩數百艘自淮趨濟卒以計達高宗大悅曰得一士如獲拱壁時秦檜當國植丐辭奉親十九年不仕母卒廬墓有白鷺朱草之祥後歷知數州以寶文閣學士致仕卒謚忠襄著有臨淮集

高登

登字參先漳浦人爲太學生紹興初上疏萬言秦檜惡其譏已編管容州奉母舟行至封康間阻風方念無以

供晨膳忽有白魚躍入

趙伯深

伯深父子侗宣和間爲隸州兵官屬會兵動燕雲子侗被檄送塞上伯深時尚幼與其母張畱居隸州旣而金人渡河伯深母子相失子侗亦隔絕建炎二年始得南歸子侗卒伯深尋訪其母二十餘年一旦聞在瀘南乃徒步入蜀間關累年方得其母相持號泣哀感路人

楊芾

芾吉水人每日必市酒肉以奉二親未嘗及妻子紹興

五年大饑爲親負米百里外遇盜奪之不與盜欲刃之
帝憫曰吾爲親負米不食三日矣幸哀我盜義而釋之
申世寧

世寧信州鉛山人紹興間潘達兵襲鉛山父年七十未
及出戶遇賊賊意其有藏金欲殺之世寧年未弱冠亟
引頭願代父死賊感而兩全之

陳少卿

少卿浙人素性純孝母疾求醫不效夜半虔禱於天少
頃金盤有聲視之則丹藥四十九粒也母服之遂愈其

禱詞曰：「殲臣之壽以延老母之年，諒帝之心必從人子之請。」

荀與齡

與齡，滁州來安人。事親生養死塋，力竭而禮盡。有芝十九莖，生於墓亭。

徐中行

中行，字德臣，台州臨海人。父寢廬墓躬耕養母，崇寧中州舉八行不就。客有詰以要名者，中行曰：「使吾以八行應科，彼不被舉者非人數歟？吾正欲避此名，非要名也。」

張愈

愈字少愚益州郫人丁內艱鹽酪不入口再舂槌所持
柳杖於藁忽生枝葉後合抱

林正華

正華字君輔少入太學卽棄歸養母母卒累日不飲勺
水已而蔬食卜塋於湧泉山鑿石營壙手胼足胝不少
懈旣葬寢苫枕塊號慕不已俄而祥雲滃甘露降烏鳥
翔集虎豹遁藏鄉人白於有司旌之

蔡定

定字元應山陰人父坐法被繫定詣府請代弗許請效命於戎行弗許請隸王府爲兵又弗許定知終不可贖也仰而呼曰天乎父老而刑兒生何益定圖死矣庶有司哀憐而釋父則雖死無憾矣乃爲狀若詣府者結置袂間叙陳致死之由冀其父之必免也遂赴水死府帥聞之驚曰真孝子也立命出其父

杜國寶

國寶邛州人乳時其父遊東吳音信杳然後四十年國寶遍江淮手揭父名出處間關萬里至韶州得見父時

父爲州都巡因迎還鄉

朱道誠

道誠全州人幼喪父事母極孝母卒廬墓側感冬筍生
瑞竹覆其墓詔賜絹米

呂鏜

鏜旌德人事親以孝稱嘗遊宿毫間過潘氏不御酒肉
潘莊問之鏜曰遠遊親養弗給而敢自享厚饌乎比去
潘贈以金不受

張輝

輝字子充永嘉城南人遊太學多士奉爲楷式而以親
訃哀毀不勝廬於墓者六年作霜露堂以享有甘露降
於庭

趙善應

善應字彥遠餘干人親病刺血和藥以進嘗寒夜遠歸
從者將扣門遽止之曰勿驚吾親露立達旦門啟而後
入母喪嘔血瘠毀終日俯首柩傍父終肺疾每膳不忍
以諸肺爲羞母生歲值卯謂卯兔神也終身不食兔

劉泌

泌餘干人嘉泰間舉進士官至叅知政事攝相事八十
日以母老乞致養上從之泌自幼以孝著甘露三降庭
梅

丘敬

敬建寧人幼孤母爲寇所擄求之四方不得乃刻木肖
像晨昏侍奉一夕妻饋奠悞侵母像仆地敬哭泣躃踊
幾絕欲出其妻因卜塋文溪之上服喪三年人稱其里
曰孝鄉

陳燾

燕電白人瞽目十年矣母死將塋燕欲扶柩至壙或止之燕曰母生我鞠我今日入土忍以疾辭雙雙一二里雙目頓開

錢益

益東莞人親喪及禫足跡不出寢室或促赴省試曰至試期則服除矣益曰忍舍親喪而行乎復遲三年赴省試登淳祐進士第

呂蒙 琰

蒙開封人事親至孝父卒塋邑之杜潭不忍舍去居墓

下久不返子琰憂懼不已乃卽其母所塋曰龍岳者築
室其旁竭力成之迎養於其中四十年一日焚香巍坐
而逝琰理喪事畢悉以家務屬諸子自居龍岳舊廬戀
慕不返榜其門曰報慈用父詩句也後以子貴封廸功
郎

呂宣問

宣問字季通開封人六歲失母旣長將訪所生以池陽
當蜀道乃求調錄事叅軍凡蜀客經過必託其物色之
臨滿秩有仙井兵報之曰母尚在棄官如荆門果得母

相失四十餘年母子復如初時母年七十矣

陽大明

大明字和甫南康人親喪廬墓地極深邃無人烟惟畜白鷄伺晨一夕狸捕鷄入石穴越夕雷震石四裂狸死

錢褒

褒晉江人母卒培土築壙結廬居山葦腥不入口形容毀瘠終制方返著有志孝六篇

陳乞兒

乞兒年九歲母喪哀毀躬負土爲墳高一丈廣六十步

人憫其幼助之則泣拜而辭